

Referat arbeidsmøte om Osterhallen 04.04.2018

1. Velkomen v/ Øystein Holsen

2. Status per dags dato v/ Ola R Jordal:

15.03.18 kalla kommunen inn til «Oppstartmøte – Prosjekt ny hall Ostereidet». Fleire representantar frå dei ulike laga og skulane deltok på møtet. Kommunen gjennomgjekk agendaen og klargjorde kva vedtak og mandat kommunen jobbar etter.

Tomteplassering: Det er eksterne folk som vurderer dette og som kjem med framlegg til plassering.

Avgrensingar i mandatet: Grusbane, idrettsbygg og symjehall er ikkje ein del av prosjektet. Det er likevel opp til dei som får oppdraget med å prosjektere, å kome med framlegg om å koble saman eksisterande bygg og ny hall.

NB! FØRSTE INNSPEL TIL ROMBEHOV ER 13.04.18

Undergruppene i EIL sender sine innspel til leiar i EIL, Robert Hansen innan 11.04.18

3. Gjennomgang av veiledar for idrettshallar v/Øystein Holsen:

Kommunen arbeidar utifrå at Osterhallen blir ein standard fleirbrukshall i handballstorleik (25X45m). Dette vil utløyse 10 millionar i spelemidlar. Det er viktig at ein set seg inn i kva type rom ein slik hall bør innehalde og at me kjem med våre grunngjevne forslag til ønskjer eller behov. Ein fleirbrukshall er ein hall for fleire og ulike idrettsaktivitetar, men sidan me er ulike aktørar som ynskjer å bruke hallen, vil me påverke slik at hallen til dømes også ivaretek kultur. Erfaring frå andre hallar, er at standard lagerstorleik (100m²) ikkje alltid er tilstrekkeleg med mange ulike brukargrupper. Det er viktig at hallen er utforma slik at ein hallvert enkelt kan halde oversikt både på dag- og kveldstid. Gruppene i EIL blir oppmoda til å studere særiddrettane i veiledaren for bli kjend med kva som er «standard utrustning» og å gjere seg opp ei meining om kva det er behov for den aktuelle gruppa.

Tribunar: Det er fleire typar tribunar som kan nyttast, men kva er mest fornuftig for oss?

Belysning: Det er vanleg at det ikkje er vindaug i ein slik hall, men at ein har indirekte lys.

Akkustikk og lyd: Erfaring visar at ein må tenke på akustikk både når det gjeld undervisning, idrett og kultur. Det er viktig at me kjem tidleg med innspel rundt kva behov me har. Tenk på kva brukarar me har. Kan ein kombinere å ha idrett i fleire rom samstundes som ein har øvingslokale for skulemusikken til dømes?

Klatrevegg/buldrevegg: Det er tungt å drifte ein slik vegg og krev folk med kompetanse. Det er truleg lite sannsynleg me vil få klatrevegg sidan dette allereie finns på Lindås og i Meland. Knarvik vil også få klatrevegg når den hallen er ferdigstilt.

Skiljeveggar: Vanlegvis blir hallen delt i 3. Me bør ha minst ein vegg som er «tett»/lydisolert.

Inngangsparti/foaje: Her må det vere sitjeplassar og kiosk. Dette blir eit samlingsrom for dei som ventar. Dette er ikkje eit ønske, men eit behov.

HUGS PÅ AT ALLE INNSPEL MÅ VERE GODT GRUNNGJEVNE

4. Erfaringar rundt arbeidet med Lindåshallen v/ John Helge Walderhaug

Det tok mange år og mange dugnadstimar før Lindåshallen blei ein realitet. Det er viktig at alle får eit eigarforhold til hallen, og at ein ikkje baserer seg på eldsjeler åleine. Lindås kommune gjer stønad til idrettslag for å oppretthalde hallvertordninga. Walderhaug synte teikningane for Lindås, Alversund og Knarvik-hallane.

Han tipsa blant anna om dette:

- Hallen bør ha 2 etasjar, både for byggkostnadsbesparingar, men også for å kunne trekke ein del aktivitet til rom i 2. etasje og litt tilbake frå hovudaktivitetane.
- 2. etasje i Lindåshallen inneheld blant anna lager, styrkerom, mediatek, møterom, galleri, reinhald.
- Hallen har 90 sitjeplassar nede og ein er avhengig av manuell handtering av stolar til publikum.

Elles info: Alversund får eit eige lukka lokale til ungdomsklubben med 150m² storleik.

HUGS SAMBRUK IDRETT – SKULE – KULTUR

5. Innspel frå gruppearbeid

Frå skule og barnehage:

- Lagerrom for barnehagen. Lindås kommune meiner at fysisk fostring for dei minste er viktig og også desse må ha tilgong til hallen i barnehagetida.
- Dusjbåsar på grunn av privatliv og unngå mobbing
- Tilgang til eit aktivitetsrom for dei minste medan dei ventar på større sysken som er med på kampar eller øvingar.
- Ein god og funksjonell foaje med kiosk, ein møteplass og venterom.
- Møterom for andre organisasjonar, sambruk. I dag har me ikkje dette og møta må ofte foregå i private heimar eller i klasserom.
- Styrkerom. Mange ungdommar reiser til Knarvik eller Åsane for å trene på dyre fitness-sentre. Det er bra om me kan gje dei dette tilbodet her.
- Rom for kultur/kultursal. Både barneskulen og ungdomsskulen har store kulturarrangement i løpet av skuleåret der over 200 publikummarar kjem på arrangementa.
- Teleskoptribune – så folk faktisk kan sjå det som skjer på scena. Hverken barne- eller ungdomsskulen innehar i dag amfi, noko en ser det blir tilrettelagt for i mange nybygg.
- Handterlege bord og stolar til t.d. temakveldar og plassert i lagerrom i nærleiken av rommet som skal nyttast.

- Anna innspel frå barneskulen: Lærarane ved Ostereidet barneskule ønskjer å ha den nye idrettshallen så nær skulen som mogleg. Då vert det trygt for elevane å gå til og frå, både med og utan tilsyn, og det tar ikkje for lang tid og komme seg fram og tilbake mellom skulebygg og idrettshall.

Frå kultur

- Musikkrom/øvingsrom. Det er eit stort behov for eit slikt rom med god akustikk.
- Lagerrom for instrument og anna musikkutstyr. Dette er no lagra i eit kott på ungdomsskulen og det er eit stort behov for betre lagringsplass.
- Teleskoptribune tilsvarande den i Modalen.
- Lagerplass for bord og stolar. Det er ofte basarar, korkafear, kulturkveldar og konsertar på Ostereidet.
- Lydanlegg og projektor for temakveldar, konsertar, ball.
- Kjøkken med storleik (ikkje storkjøkken) med steamer.
- Benkeplass på kjøkkenet.
- Eige lokale for ungdomssklubben med tilgang til hall.

Frå idrett

- Hallen (bana) må vere stor nok, 25X45X7
- Trimsal/styrkerom med lydanlegg og spel (sambruk med kulturskule; dans, drama, song).
- Eit godt golvdekke der idrett og helse er prioritert.
- God lagerplass til alle idrettar (skilje skule og idrett)
- Romsleg kiosk med romsleg sosial-plass utanfor.
- Ynskje om treningsapparat.
- Ynskje om at areal blir frigjort til mogleg buldrevegg i framtida
- Tilrettelagt areal for seniortrim med fysioterapeut lik Lindåsmodellen.
- Lager og lydtilhøve må tilpassast idrettskulen sine behov.